

Na osnovu člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine, ministar Ministarstva za rad, socijalnu politiku i izbjeglice Zeničko-dobojskog kantona raspisuje

JAVNI POZIV
za prikupljanje prijava za finansiranje/sufinansiranje rada javnih kuhinja
iz sredstava Budžeta Zeničko-dobojskog kantona predviđenih za 2023. godinu

I. Predmet javnog poziva

Predmet javnog poziva je prikupljanje prijava za dodjelu budžetskih sredstava namijenjenih za finansiranje/sufinansiranje rada javnih kuhinja iz sredstava Budžeta Zeničko-dobojskog kantona predviđenih za 2023. godinu.

II. Pravo učešća

Pravo na učešće i dodjelu sredstava imaju udruženja, vjerske organizacije i drugi koji organizuju rad javnih kuhinja na području Zeničko-dobojskog kantona uz ispunjenje uslova propisanih Pravilnikom o utvrđivanju kriterija za ocjenu i bodovanje prijava za rad javnih kuhinja koje se finansiraju/sufinansiraju iz sredstava Budžeta Zeničko-dobojskog predviđenih za 2023. godinu.

III. Namjena

Budžetska sredstva su namijenjena za finansiranje/sufinansiranje rada javnih kuhinja koje organizuju, pripremaju i distribuiraju obroke socijalno ugroženim kategorijama na području Zeničko-dobojskog kantona.

Sredstva za finansiranje/sufinansiranje programa rada javnih kuhinja dodjeljuju se prema Programu utroška sredstava sa razdjela 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2023. godinu, pozicija „Tekući transferi neprofitnim organizacijama“, ekonomski kod 614300, u ukupnom iznosu od 350.000,00 KM.

Krajnji remenski rok za utrošak odobrenih finansijskih sredstava je zaključno sa 31.12.2023. godine.

IV. Kriteriji za ocjenu i bodovanje prijava za rad javnih kuhinja

Kriteriji za ocjenu i bodovanje prijava za rad javnih kuhinja su sljedeći:

- ostvarena saradnja sa nadležnim centrom za socijalni rad ili nadležnom gradskom/općinskom službom iz oblasti socijalne zaštite (Sporazum, Protokol ili Memorandum o saradnji);
- utvrđen broj korisnika usluga javne kuhinje;
- osposobljenost osoba koje su direktno zaposlene na poslovima pripreme i distribucije hrane/obroka;

- ispunjavanje prostornih i tehničkih uslova za rad javne kuhinje;
- prepoznata uloga i značaj rada javne kuhinje u lokalnoj zajednici;
- podnosjen izvještaj o namjenskom utrošku budžetskih sredstava odobrenih od strane Ministarstva za rad, socijalnu politiku i izbjeglice u 2022. godini (za javne kuhinje koje su u predhodnoj godini koristile sredstva po javnom pozivu, na osnovu službene evidencije Ministarstva).

V. Potrebna dokumentacija

Za prijavu na javni poziv potrebno je dostaviti sljedeću dokumentaciju:

1. Popunjen, potpisan i ovjeren prijavni obrazac (obavezno popunjen elektronski);
2. Rješenje o registraciji i Rješenje o eventualnim izmjenama podataka;
3. Program rada javne kuhinje za 2023. godinu;
4. Uvjerenje o poreznoj registraciji (ID broj);
5. Uvjerenje o izmirenim poreskim obavezama izdato od strane nadležne poreske uprave, (ne starije od 3 mjeseca);
6. Potvrda o bankovnom računu i potvrda o solventnosti;
7. Sporazum, Protokol ili Memorandum o saradnji sa nadležnim centrom za socijalni rad, odnosno gradskom/općinskom službom drugim subjektima o pružanju usluga javnih kuhinja;
8. Spisak korisnika kojima se pružaju usluge javne kuhinje iz mjeseca koji predhodi mjesecu podnošenju prijave na javni poziv;
9. dokaz o položenom ispitu za higijenski minimumu i sanitarna knjižica za osobe koje su direktno zaposlene na poslovima pripreme i distribucije hrane/obroka;
10. ugovor sa Institutom za zdravlje i sigurnost hrane ili Domom zdravlja o kontroli zdravstvene ispravnosti hrane;
11. popisna lista kuhinjske opreme za pripremu, skladištenje i distribuciju obroka;
12. Reference javne kuhinje (novinski članci, priznanja, plakete, zahvalnice i slično).

Svi priloženi dokumenti moraju biti u originalu ili ovjerenoj kopiji koje nisu stariji od 6 mjeseci.

VI. Završne odredbe

Prijavni obrazac za učešće na Javnom pozivu za prikupljanje prijava za finansiranje/sufinansiranje rada javnih kuhinja, može se preuzeti na službenoj stranici Vlade Zeničko-dobojskog kantona (www.zdk.ba).

Javni poziv ostaje otvoren 15 dana od dana objavljivanja, na službenoj stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac za učešće na Javnom pozivu sa pratećom dokumentacijom obavezno dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica

sa obaveznom naznakom „**NE OTVARATI – po Javnom pozivu za prikupljanje prijava za finansiranje/sufinansiranje rada javnih kuhinja iz sredstava Budžeta Zeničko-dobojskog kantona predviđenih za 2023. godinu**“, sa naznačenim **nazivom podnosioca prijave**.

Ocjenjivanje i izbor programa rada/projekata vrši Komisija koju imenuje Ministar, u skladu sa Pravilnikom o utvrđivanju kriterija za ocjenu i bodovanje prijava za rad javnih kuhinja koje se finansiraju/sufinansiraju iz sredstava Budžeta Zeničko-dobojskog kantona predviđenih za 2023. godinu.

Nepotpune i neblagovremene prijave neće biti uzete u razmatranje.

Ministarstvo nema obavezu vraćanja dostavljene dokumentacije.